

Multo Illustre Domina

MRS. DAVE H. MORRIS.

In die 17 julio perveni ad me epistola de Domina Mary C. BRAY et programma 1928 de potente I A L A.

Me provide in proximo tempore ad versione de illo publicatione in INTERLINGUA.

In die 12 junio me mitte uno exemplare de incluso epistola ad Vos et ad alios 25 consocios illustre de ACADEMIA PRO INTERLINGUA; 17 consocio ab vario nationes responde et approba cum gaudio propositione ut honora illustre Prof. PEANO, multo meritorio in studio de lingua auxiliare internationale. Me confida in approbatione vestro et de potente I A L A.

In fine de proximo mense augusto, in occasione de 70° anniversario de Prof. PEANO, Comitatu publica NUMERO SPECIALE et etiam, si consocios contribue in forma morale et materiale, initia in proximo tempore publicatione de:

VOCABULARIO CONTINENTE VOCABULOS INTERNATIONALE NON LATINO  
(Vide Articulo in pag. 182 de Revista "SCHOLA ET VITA" anno 1928).

Collectione de vocabulos es prompto in maximo parte; isto publicatione es multo utile ad omnes fautores de vario lingua internationale; pote es initio de federatione de vario systema.

Publicatione assume aesimabile caractere internationale, si composito et impresso non ab unico studioso, sed sub auspicio de ACADEMIA PRO INTERLINGUA, de I A L A, de alio serio Associatione et de illustre personalitates.

Vos, illustre Domina, cum leve sacrificio de pecunia pote es nobile Patrona de geniale publicatione.

Interlinguistas gaude si Vos accepta mandato; si Vos recusa, illos procura differente solutione.